



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

9. Caudauera Sanctorum à canibus & aquilis custodita.

**urn:nbn:de:hbz:466:1-45701**

*Abjecta in triujs, inhumati glabra jacebat  
 Testa hominis, nudum iam cute caluitium.  
 Fleuerunt aly: fletu non morus Achilles,  
 Insuper & filicis verberè dissecuit.  
 Eminus ergo, isto redijt lapis ultor ab osse:  
 Authorisq; sui frontem oculosq; patit.*

Guicciard. l. 1. Sic merentur viui luere pœnas, qui mortuis non exhibent de-  
 de funer. c. 4. bitum honorem, quorum plura exempla recenset Guicciardinus.

**I X.** Hoc officij genus, si non æstimant homines, vel à bestijs  
 docentur. Solet enim, etiam hos magistros nobis præbere Deus.

**Prou. 6. 6.** *Vade ad formicam, & piger, ait, & considera vias eius, & discite sapien-*  
*tiam.* Et ipse sapientiæ magister suo ore protulit illud oraculum:

**Matth. 6. 28.** *Considerate lilia agri, quomodo crescunt:* Et paulò priùs: *Respicite*  
*volatilia cali.* Quid ergo volatilia, quid ceteræ animantes do-  
 cent de Sanctis mortuis honorandis? *Fera hanc humanitatem*

*defunctis corporibus detulisse, produuntur,* ait S. Ambrosius, *homines*  
*denegabunt?* Decimo septimo Imperij Heraclij Anno, Christi  
 An. 627. post  
 Sur. 22. la-  
 suarij.  
 autem An. 627. cum S. Anastasij martyris eaput ad Regem Per-  
 sarum Cosrhoem fuisset delatum, & corpus eius, iater multa  
 cadauera à Christianis quæsitum, inuenti sunt canes, qui cetera

quidem corpora, præ fame inuasertunt, à S. autem martyris  
 membris abstinerunt, vt ea integra mundissimis linteis à filijs  
 Iesdim involuta in Sergij martyris monasterio conderentur.  
 Diuersum planè morem habent, qui iam condita Diuorum cor-  
 pora è tumulis suis eruunt, nec tantùm lacerant, sed etiam  
 flammis tradunt, in ossa ipsa sæui, more molossorum. Atque vt  
 perspicuum sit, bestias ipsas homine impio esse humaniores. S.

**Ex Martin.** Stanislaum Cracouiensem Episcopum sacrificantem Boleslaus  
 Crom. dereb. Poloniae Rex ferro trucidauit; neque cæde tam barbara conten-  
 Polon. & lo. tus, corpus exanime è templo extractum militibus discerpen-  
 Longino Ca- dum tradidit, prohibuitque graui propositâ pœnâ, ne quis aut  
 nonic. Cra- justa funeri persolueret, aut dissectas hinc inde corporis sacri  
 con Sur. 16. 2. particulas colligeret, aut in sepulchrum inferret; id cupiens,  
 8. Maij. c. 24. vt à canibus, aut auibus, aut alijs feris belluisque absumere-  
 tur, memoriaque omnis & martyris, & sceleris sui aufer-  
 retur. Sed non est passus ille omnia circumspectans diuinè  
 prou-

providentiæ oculus, martyris sui existimationem tam fœdè la-  
cerari. Altera enim die ab eius cæde, cum Rex & impij crude-  
litate eius administri existimarent, iam corpus omne à canibus  
aibusque deuoratum, à quatuor mundi partibus totidem raræ  
formæ ac magnitudinis aquilæ aduolarunt, & sollicito studio  
loca, in quibus dissipata jacebant fortissimi Præsulis membra,  
per aërem, in orbem circumibant, & velut à D: o constituti cu-  
stodes non sinebant ea ab vllis vel feris, vel volucris attingi.  
A quo miraculo homines admoniti, ac præsertim viri religiosi  
accurrerunt, & dispersas hinc inde sanctissimi corporis partes,  
magñâ diligentia reuerentiæque, collegerunt, nouo prodigiò  
recreati. Nam membra illa ita collecta diuinitus rursus in cor-  
pus vnum coierunt; vt, qui integerrimè vixerat, mortuus quo-  
que integer sepeliretur. Ita Deus excogitatam martyris sui  
ignominiam in gloriam vertit.

Quòd si canes, ab hominibus inter homines educati, pu-  
tantur assuescere humanitati, atque ea propter S. Anastasio pe-  
percisse; si aquilæ ad S. Stanislai cadauer odore attractæ aduoli-  
tasse, juxta illud: *Ubi cumque fuerit corpus, illic congregabuntur &*  
aquila; illud memoriâ recolendum est: *Qui mortui fuerint de*  
*Ieroboam in ciuitate, comedent eos canes: qui autem mortui fuerint*  
*in agro, vorabunt eos aues cali, quia Dominus locutus est: Item, Qui*  
*mortuus fuerit de Baasa in ciuitate, comedent eum canes; & qui mor-*  
*tuus fuerit ex eo in regione, comedent eum volucres cali.* Rursusque:  
*Sed & de Iezabel locutus est Dominus dicens: Canes comedent Iez-*  
*bel in agro Iezabel; & vt alibi additur: Neq; erit, qui sepeliat eam.*  
Quamuis enim Iehu, qui eam iusserat præcipitari, postea dix-  
erit: *Ite, & videte maledictam illam, & sepelite eam: quia filia Regis*  
*est, tamen cum essent, vt sepelirent eam, non inuenerunt, nisi caluariam,*  
*& pedes, & summas manus.* Si istis deuorandis canes non absti-  
nuerunt, cur canes Anastasio, & aquilæ, quæ sunt vulturium  
genus, & cadaueribus diripiendis assuetæ, Stanislao abstinae-  
runt? Numquid is, qui obturauit ora leonum, ne Daniele  
inuaderent, conclusit etiam tunc ora canum, & aquilarum?  
immò & leonum ipsorum? quibus quid est inhumanius, aut  
immanius? & tamen leguntur etiam aliorum Sanctorum cor-  
poribus abstinuisse, immò eos sepelisse.

X.

Matth. 24. 28.

3. Reg. 14. 11.

3. Reg. 16. 43

3. Reg. 21. 23.

4. Reg. 9. 10.

4. Reg. 9. 34.

Daniel. 6. 22.

Memo-